

以诗会友 | 上期征稿选登 | 题：乡愁云南

乡愁难解

徐雨生

衰颜不意客并州，送暑迎寒夏接秋。
时久二三称故友，日深八九共珍馐。
无端祭祀油然感，此处生涯纠结留。
恰似春蚕吐丝苦，易缠难解是乡愁。

诉衷情·故乡有怀

杨长华

云岚生处是吾家。溪水映红霞。
青松漫岭苍翠，袅袅夕烟斜。
临竹岸，钓鱼虾，煮山茶。静观
云起，闲听鸟鸣，难忘桃花。

沁园春·转龙之春

蒋厚洪

桑梓春光，绿染良田，魅力奇乡。赞
轿山画景，花开鸟啭。缩泉垂柳，梅绽窗香。
野陌盈芳，清溪倒影，掩映花间村寨强。
游花道，赏群峰环抱，笔塔幽塘。

山河秀美浓妆，绘大地，环城公路忙。
有三冬蜂蜜，天麻首冠。八仙春宴，市级
名房。挽住乡愁，将军雄起，近水楼台罗
婺昌。游人织，享读耕文化，盛世华章。

忆乡愁

刘清华

锈锁难留小院风，檐蛛网漏旧时空。
故巢秋树识归鸟，倦客斜阳忆转蓬。
曾共少年乡梦老，几多别意暮云红。
回身撷取一声叹，藏在离途车笛中。

佳
作
欣
赏

过屈原故里

周崇文

诗书累代仰高贤，车入秭归魂梦牵。
山麓万枝垂桔柚，云根九畹惜芝莲。
修身已重人文助，揽胜尤当气象先。
一卷离骚恸千古，灵均祠下雨如烟。

田园牧歌

陈兴宇

雾起层林两岸烟，声声布谷在风前。
双鹅戏水分清露，一犊鸣冈向碧天。
华发偷闲舟里坐，青竿乘兴苇间连。
此时独钓江中鲤，欲效诗仙梦日边。